

Jungenrot Eusalp: men mu se innschraim finz as de 31 van moi

Lo spazio alpino sta affrontando una serie di sfide, tra cambiamento climatico, declino della biodiversità e crescente congestione del traffico nelle valli, che richiedono la cooperazione delle diverse regioni nella Strategia dell'Unione Europea per la Regione Alpina (Eusalp), per rendere il territorio montano resiliente e proiettato verso il futuro. Anche quest'anno, le giovani generazioni possono contribuire al conseguimento di questo obiettivo nel modo più sostenibile possibile, entrando a far parte del Consiglio dei giovani Eusalp. I giovani tra i 18 e i 29 anni che vivono in una delle 48 regioni parte di Eusalp in Italia, Germania, Francia, Austria, Slovenia, Svizzera o Liechtenstein possono presentare la propria candidatura fino al 31 maggio.

Der alpineraum ist noch za belln verstea' bos as men mechet tea' turch a zömmörbet van mearer regionen va de Europeische Union ver de Alpineregion (Eusalp), asou as de pèrgplatz kennen hert höltn ont envire schaug, zbischn bëtterbècksln, s ovöll va de biodiversitet ont s ölbe mear verkear as de strosn van telder. Haier aa, de jungen meing mithelven ont möchen toal van rot van jungen Eusalp. De jungen zbischn de 18 ont de 29 jor as lem en oa'na van regionen va Eusalp en Balschlönt, Taitschlönt, Frankreich, Osteraich, Slowenien, Schbaiz oder Liechtenstein meing se u'meln. Der rot van jungen Eusalp ist gamöcht va 28 toalnemmer, viara ver an iatn alpinedorf, as plaim ver a jor, ont meing sai' vernaier ver an önders jor. Der rot van jungen hôt a plattform asou as de jungen mein toalnemmn en ölls sèll as ist za u'stimmen van orgln van Eusalp ont versichert as sèll as de tschbinnen kimmt galisnt. De toalnemmer miasn hëlven za möchen politik ont projekt ver de alpn as hom de bichtestn riven. De meing rotn örbetn, projekt ont naiekaitn, vourstelln idee en de politiker van Stötn ont van regionen as möchen toal va Eusalp ont sensibilisiarn as de europeische ausönderkaitn va öll region. De jungen tea'se organisarn ont learnen za nemmen toal en de demokratische söchen pet verschidena sprochen ont kulturn. Va de önder sait Eusalp leart van jungen za

nemmen au naia idee van lait as barn as de Alpn lem. Der rot trëff se viar oder vinf vert ver öll schicht ont bail en jor der tuat zömmörbetn pet tematische gruppn ver za tschbinnen naia örbetn turch telematische virtualn mittln. De jungen as sai' kemmen u'zök miasn tschbinnen en a pahöltlege riarn se, zömmhengen se en öndra naia örbetn ver de jungen, örbetn ver de zukunft van alpine regionen ont sensibilisiarn as natural ont kultural pahalter van Alpn. De enteressiaretn hom zait finz as de 31 van moi ver za u'melln se durch de sait <https://alpine-region.eu/alpine-youth/get-involved>. Der Jungenrot hôt der zil za

drautschbinnen en önderst sai' en de alpn, ver dös bart men schau za tschern junga kandidatn as sai' van sim Lander Eusalp noch va bou as de kemmen, mander baiber ont schoa gaörbet hom en organizzazionen pet de jungen. De Stötn ont de Regionen Eusalp barn zoln de kostn van biasn ver de trëffn ont manifestazionen bou as toalnemmen de toalnemmer van Rot ont barn gem hilf ont support. Der Jungenrot ist zuazolt van projekt Spazio Alpino Interreg "Support Eusalp" bou as ufficialet partner ist de Region Provenza-Alpi-Costa Azzurra. Zömm en doi projekt de Region Bourgogne-Franche-Comté ist vourstea'ner van örbetn gamöcht ver de jungen. Ont nou en 2025 de zömmpresidenz Osteraich/Liechtenstein va Eusalp gip an groasn bërt ver en zömmörbetn pet de jungen.

LORENZA GROFF



De pfinstecher va de tsunthait

S kimmen bider "I giovedì della salute" en kröndendinst va Schandurschl. De kemmen organisart der earste pfinsta van öll mu'net ont sèll as kimp ist as de 8 van moi, ölbe va um na'na ont a hölbs vria finz um oa'dleva ont a hölbs. Der dinst ist offet en öll ont umensist. De inziativ kimp organisart va de gamoa'amministrazion pet de zömmörbet va de Pönk Hoa Valzegu' ont pet de untestitz va de APSS ont va de LILT va Persn.

De Euregio-Akademi: men mu se innschraim finz en sunta

De Euregio-Akademi ist an pildungskurs ver junga as hom zbischn 18 ont 35 jor as kimp organisart öll zboa jor ont as tauert drai bochenende. Haier mu mem se innschraim fina sa de 27 van oberel as de doi adress: www.euregio.info/accademia-euregio. De trëffen barn se höltn va de 23 finz as de 25 van moi ka Roveredo, va de 4 finz as e 6 van heibeger ka Poazn ont vad e 16 finz as de 18 van agest en Alpbach.

Letnografo trentino di origine boema Giuseppe Šebesta (1919-2005) ha dedicato la sua esistenza a raccogliere informazioni sulla vita e sulla storia della comunità alpina, producendo moltissimi materiali utilizzati per conferenze e pubblicazioni, ma soprattutto per promuoverne la conoscenza, anche tramite opere di musealizzazione. La poliedricità del fondatore del Museo Etnografico Trentino San Michele si ritrova anche nella documentazione lasciata negli ultimi anni di vita a vari Enti, provinciali ed extraprovinciali, tra cui il Museo di San Michele all'Adige, l'Istituto culturale mocheno e la Fondazione Giovanni Angelini di Belluno. Proprio quest'ultima ha promosso il progetto denominato "La valle dei Mocheni nell'archivio di Giuseppe Šebesta, patrimonio per le Dolomiti delle giovani generazioni", con l'obiettivo di unire virtualmente questi preziosi lasciti e di diffonderne la conoscenza, coinvolgendo, oltre al Mets e all'Istituto mocheno, anche la UMTS Soprintendenza per i Beni e le attività culturali della Provincia autonoma di Trento, il Dipartimento di Studi Umanistici e del Patrimonio Culturale dell'Università di Udine e il Museo Etnografico Dolomiti della Provincia di Belluno.

An projekt ver de katalogasion va sèll as galòt hòt der Giuseppe Šebesta



Der poemesch etnograf Giuseppe Šebesta (1919-2005) hòt s sai' gonz lem praucht za nemmen au informazionen as en lem ont as de gschicht van gamoa'schöft van Alpn, der hòt zuaklaup vil material as ist kemmen praucht ver de konferenzn ont ver de publikasionen ont iberhaup za möchen kennen de doing gamoa'schöft pet de musealisazion. De vilsaitiket va bem as hòt s lem gem en Etnografischer museum va S.Michele, vint men sa gor en de dokumentasion as, en de leistn jarder van sai' lem, hòt er arschleng galòt en mearer instituzionen, provinzialeta ont extraprovinzialeta. Zbischn de doing ist gor naturlich der museo ka S.Michele, s Bersntoler Kulturinstitut ont de Fondazione Giovanni Angelini va Belluno. Pet en zil za möchen virtualet trëffen s sèll as der Giuseppe Šebesta galòt hòt ont za möchen en ölla va der sai' örbet eppes learnen, de Fondation Angelini hòt envir tschoum en projekt: "La valle dei mocheni nell'archivio di Giuseppe

Šebesta, patrimonio per le Dolomiti delle giovani generazioni", ont hòt zua gariaft za tea' zömmen örbetn gor en Mets, en Bersntoler Kulturinstitut, de UMTS Ouberregiar van Kulturpahalter va der Autonom Provinz va Trea't, der Dipartiment va umanistische Studien ont van Kulturpahalter va der Università va Udine ont der Etnografischer Museum Dolomiti va der Provinz va Belluno. Der projekt, as bart riven en schantönderer van 2026, hòt derbischt de zuazol va der Fondazione Caritro va Trea't ont Roveredo. S barn zömmen örbetn arkivistn as de doi örbet tea' van a bail ont junga as nou learnen miasn, historiker, archeolog, geograf, museograf, registn, dokumentaristn, specialistn va der bersntolerisch-, trentinisch-, bellunisch- ont dolomitisch- kultur bou as der Giuseppe Šebesta hòt gaörbetn. Vil van materialn as de Instituzionen hom, kearn zua en de studien as der Giuseppe Šebesta hòt envir trong as en Bersntol. S sai' skearn, priaft, letrattn, kopien va dokumentn, originaleta dokumentn, audio- ont video-aunemmen ont film pet de sai'na pupi, as hòm en runt stolz gamöcht hearn.

LORENZA GROFF

Arge Alp ont Yoalin ver de jungen: 150 zeitler Interrail ver za kennen de alpine region

Nell'ambito del progetto Youth Alpine Interrail (Yoalin) della Commissione Internazionale per la Protezione delle Alpi (CIPRA) sono in palio per giovani tra i 18 e i 27 anni, 150 pass Interrail per l'estate 2025. In questo modo si vuole sensibilizzare i giovani incoraggiando l'uso di mezzi di trasporto sostenibili e comportamenti di viaggio rispettosi dell'ambiente. Per partecipare all'assegnazione dei biglietti è possibile rispondere, fino al 15 maggio, ad alcune semplici domande all'indirizzo www.yoalin.org.

Pet an oa'zege zeitl Interrail mu men sechen 33 Lander ont 30.000 platz turch de alpn regionen. Gèltsgott en projekt Youth Alpine Interrail (Yoalin) va de International Kommission ver en Schitzn van Alpn (CIPRA), hòt s prais ver junga as hom tsbischn de 18 ont de 27 jor. S sai' 150 zeitl Interrail ver en summer 2025. Simsk van doin zeitler sai' kemmen gem van Arge Alp, de örbetgamoa'schöft van lander van Alpn. Der doi prais ist kemmen rganisart ver

za innlònen de jungen za prauchen de öllgamoa'mittln ont enviretrong de mittln as derhòltn de umbèlt. De 150 prais kemmen austcherlt van kandidatn as hom ogem de vrog. De sèlln as sai' enteressart za nemmen toal en prais, miasn gea' as de internetsait www.yoalin.org ont gem ompot an an etlena oa'vocha vrong. S hòt zait finz as de 15 van moi. An öndra schea'na meglechket ist der trëff van u'vong van projekt as bart se hòltn va de 14 finz af de 16 van prochet en Poschiavo (Schbaiz). De jungen as barn roasn pet Yoalin barn se vinnen meing en doi trëff ont en mearer öndra trëffen en de Alpnlander. Derzua, barn sa meing aunemmen ont schraim sèll as se tea' turch en roas ont möchen letrattn, asou za meing hom an aktivetn rolle en projekt. Pet en doi material barn sa toalnemmen meing en an konkurs as bart riven pet en toalnemprais as bart se hòltn as de 24 ont 26 van schanmileal ka Bern. Zeichen toalnemmer van regionen Arge Alp barn de meglechket hom za stelln vour

sèll as se hom gatun bail en Forum Eusalp va de 25 van ölderhaileng 2025 en Innsbruck. Yoalin ist an inziativ va de CIPRA - Internazionalkommission ver en Schutz van Alpn ont van sai' Konsultivrot van jungen, en gong za kemmen paut van 2018. Der projekt ist untestitzt pet en gèlt va de Arge Alp, va de Konvenzion van Alpn en de Schbaiz ont Osteraich ont va de Fondazione Clima Now. Arge Alp hòt toalganommen en projekt van 2021 ont van 2022. De u'vongnaiket va Yoalin hòt se gehòltn en Landeck en 2022 en rom van visk jor va de tirolerpresidenz. Age Alp ist an örbetgamoa'schöft augöngen as de 12 van schanmikeal 1972 ka Mösern en Tirol, pet en zil za vournemmen ont untestitzt de öllgamoa' nutz as enteressarn ungefer 25 milionen va lait. S nemmen toal en Arge Alp s Taitschlönt pet en Vraistött Baiern, s Osteraicht petn Vorarlberg, Tirol ont Sölzburg, s Balschlönt pet de autonome Provinzn va Poazn ont Trea't ont de Region Lombardia, de Schbaiz pet de Cantoni Grigioni, St. Gallen ont Ticino.

